

西平縣志稿之一斑

于陳
廷銘
鑑鑑
印譔

敬啟者銘鑑所撰西平志稿已有數部只以同邑人士散居各地未
易傳觀末悉底蘊浮議之來勢出自然此則銘鑑所甚抱歉忱者茲
幸于鏡三道尹廷鑑允助印資因是先將噩域星野封建各志暫用
活字版印裝數帙分寄

同仁俾便

清覽鏡公熱誠可佩自無待論倘

執事觀茲片段卽

賜匡正尤銘鑑所馨香企禱者也專泐布臆祇候

裁奪

陳銘鑑謹啓
民國十七年四月十五日

歷代疆域志

西平縣志第一

西平縣爲柏皇氏遺封

柏皇之後柏常爲黃帝地官柏亮爲顓頊師柏昭一作昭一爲帝學師柏景爲周太僕皆柏族也

在禹貢爲豫州大

陸之域春秋時爲柏子國魯僖公五年左氏傳曰江黃道柏方睦於齊杜預註柏國名汝南西平縣有柏亭戰國地屬於韓國策載蘇秦說韓王曰韓卒之劍戟出於棠谿史記蘇秦說韓宣惠王之言與此畧同今縣西境有棠谿澗澗側又有冶鑪城故址即古鐵官所在也元和郡縣圖志太平寰宇記均謂縣西界有棠谿村焉秦始皇十七年內史騰攻韓得韓王安盡納其地以其地爲郡命曰潁川西平韓屬韓併入秦改潁川郡則西平自必屬於潁川郡無疑太平寰宇記謂蔡州爲秦三川郡漢改三川爲汝南郡如太平寰宇記所云西平在漢屬汝南郡在秦則當屬三川郡矣顧詳考史記周本紀秦莊襄王滅東西周東西周皆入於秦徐廣曰周比亡之時凡七縣河南洛陽穀城平陰偃師鞏緱氏秦本紀莊襄王元年秦界至大梁初置三川郡韋昭曰有河洛伊故曰三川裴駢案地理志漢高祖更曰河南郡秦始皇本紀滅二周置三川郡依上述各紀註推定秦之三川郡即漢之河南郡也蔡州與河南郡距離寔遠其非秦之三川郡自無待論而西平屬於秦之潁川郡鄭樵通志秦潁川郡今潁川淮陽汝南等郡地是又可借證而益明矣

右上古至周秦

漢書地理志汝南郡領縣三十七而西平居其一顏師古注曰有鐵官莽曰新亭應劭曰故柏子國也今柏亭是後漢書郡國志汝南郡三十七城與漢書汝南郡所領縣數相同西平之名仍舊其他縣名不無小異如定潁縣爲後漢永初二年置實則其地爲西平所分割也

水經注云分汝南郡之上蔡縣置定潁縣李兆洛地理志潁縣並列一格且將定潁置於西平之下可見定潁縣所分後漢建初七年置西平國章和二年仍爲縣酈道元水經注曰西

平縣故柏國也漢曰西平其西呂墟即西陵亭也西陵平夸故曰西平縣出名金古有鐵官西漢末更始二年封李通爲西平王後漢章帝徙封劉羨爲西平王分汝南八縣爲國孝安帝封鄧弘鄧廣德爲西平侯鄧甫德爲都鄉侯孝順帝封郭鎮爲定潁侯凡此皆西平故事見後漢書

右兩漢

陳壽三國志無地理志惟魏書武帝紀建安八年八月公征劉表軍西平當時袁尙圍袁譚於平原譚遣辛毗至西平乞降請救曹許譚平是西平在三國時當爲魏屬無疑也

通典汝南郡屬魏

晉書地理志豫州汝南郡統縣十五西平爲汝南郡屬之一註曰故柏國有龍

泉水可用淬刀劍洎永嘉五年十月石勒攻掠豫州諸郡臨江而還豫州淪沒於石氏始此迨建武元年晉豫州刺史祖逖據譙城按譙城在今開封道夏邑縣境將平中原自河以南多背石歸晉石憚之與祖修好不敢爲寇自是豫州之人率多兩屬數年之間民賴乂安太興四年逖卒河南地復沒入於石趙成帝時庾亮爲豫州刺史出鎮蕪湖其舊疆未復可以概見前燕苻秦繼石趙而興當其盛時亦曾將汝潁各地收歸版章厥後太元九年謝玄伐秦取河南義熙十三年劉裕又伐後秦由洛陽直取長安豫州故土復爲晉收然旋得旋失迄無寧歲中原板蕩至斯而極矣

右魏晉

晉元帝南渡以後中原淪沒已如前述宋齊梁陳雖繼晉而興仍僻處於江左一隅宋書州郡志列有豫州汝南太守西平令之名顧考其實際當時豫州乃揚州大江以西大雷以北之地所謂僑立者是也宜都楊守敬歷代輿地沿革圖謂東晉成帝僑立豫州居於蕪湖宋元嘉間右將軍到彥之雍州參軍柳元景等雖曾北伐元魏取河南據潼關然閱時未久又復引還蓋自魏克懸瓠進瓜步已後西平片壤已完全入於魏之版圖矣沈約宋書謂泰始五年自淮以西悉沒於寇有以哉通鑑宋泰始四年淮西淪沒元魏當在泰始五年以前南齊書州郡志

司州東新安左郡屬縣西平李兆洛地理志韻編云當在湖北境益州懷寧郡西平地理志韻編云今四川成都縣南寧州西平郡西平地理志韻編云今雲南霑益州治均與豫州汝南郡之西平無關梁書陳書無地理志後魏書地形志西平爲豫州汝南郡屬縣郡領縣有八西平其一是西平在六朝時隴爲後魏屬地可知已他如北江州齊興郡西平荊州南陽郡西平一在湖北黃州府境一在河南南陽府境均非茲邑後魏分置襄城郡屬豫州治西平領縣三曰義綏曰遂寧曰武陽陳芳績地理沿革表武陽魏析西平置屬豫州襄城郡李兆洛謂襄城郡在今西平縣西四十五里據此襄城郡舊治當在縣西境師靈鎮附近地方或即今師靈鎮武陽在縣西南隋改武陽曰吳清一統志遂寧義綏二縣均今遂平縣隋書地理志吳房故曰遂寧北齊省義綏縣入焉武陽亦爲今西平縣所分然則後魏襄城郡轄境殆不出今西平遂平兩縣範圍乎後魏分東西時西平隸東魏北齊改襄城郡曰文城郡治西平仍置武陽並屬豫州北周因之屬舒州舊志西平北周屬舒州改漆州清一統志汝南郡改此南北朝變遷之大略也

右南北朝

隋書地理志汝南郡統縣十一有西平焉注曰後魏置襄城郡北齊改郡曰文城開皇初郡廢又有故武陽縣十八年改曰吳房大業初省又有故洧州灊州宜都楊守敬北齊疆域圖洧州灊州均在

西平縣西南境其地似佔有今並北齊置開皇初皆廢唐武德四年置西平縣屬道州開今

遂平縣西境與泌陽縣北境封道鄭貞觀元年省入鄧城縣屬豫州天授二年分鄧城復置尋又廢開元四年復置西

平縣屬仙州縣今葉二十六年廢仙州以西平屬豫州天寶元年改豫州爲汝南郡乾元元

年復爲豫州寶應元年以避代宗廟諱改爲蔡州舊領縣十天寶領縣十一西平即蔡州

所領也元和十二年十一月又以西平隸潁州縣今鄧城長慶元年州廢仍隸蔡州新唐書

載李愬討吳元濟取冶鑪城西平地也至賊將吳秀琳以文城柵降胡三省註曰文城柵

即鐵城通鑑注曰在遂平縣西南遂平志曰在吳家集東南一里尙有城墟舊唐書憲宗

二年夏四月庚戌敕改蔡州吳房縣爲遂平縣移置於文城柵南新城內今西平人士相傳縣西境師靈鎮即古文城柵因李

愬出師奏捷易名師靈試詳考博稽知傳聞之言未足置信

右隋唐

舊五代史郡縣志蔡州屬河南道新五代史職方考州表僅列蔡州爲梁唐晉漢周五代
繼續領有西平縣名未見紀錄河南通志汝寧府沿革表載西平縣在五代時屬蔡州楊
守敬五代輿圖西平屬彰義軍蔡州宋史地理志西平屬京西北路蔡州汝南郡淮康軍
節度清一統志云宋高宗南渡後廢遂平縣爲吳房鎮設尉司屬西平縣後沒入金仍爲

遂平縣遼居北陲與宋以白溝河爲界其版圖未及河南可置無論金史地理志西平縣隸南京路蔡州防禦使泰和八年升蔡州爲鎮南軍節度西平注曰有九頭山滾水鄧艾陂元初至元七年西平屬蔡州隸汴梁路至元三十年升蔡州爲汝寧府直隸河南江北行省領縣五州四西平即汝寧府領縣之一

右五代及宋金元

明史地理志汝寧府隸河南布政司領州二縣十二西平縣也註曰府西北北有汝水源出縣西南雲莊諸石二山清因明制雍正二年始升光州爲直隸州以光山固始商城息四縣屬焉自是汝寧府僅領州一信陽縣八汝陽上蔡確山正陽明史作真陽通典新蔡西平遂平羅山是也同時並隸南汝光浙兵備道原爲南汝光兵備道清光緒末升浙川應爲直隸應因改曰南汝光浙兵備道中華民國元二年間因之三年八月內務部修正全國行政區劃府廳州名俱廢河南省劃分爲四道豫南曰汝陽道以信陽縣治爲道尹駐所西平隸汝陽道

右明清及中華民國

上古至周秦西平沿革表

西平縣	上古
柏皇氏封地	夏
豫州大陸之域	春秋
柏子國	戰國
韓地東南境	秦
嶺川郡西南境	

兩漢西平沿革表

西平縣	漢
始置西平縣屬汝南郡	新莽
易名新亭	後漢
仍爲西平縣屬汝南郡 建初七年澄西平國 章和二年仍爲縣 永初二年分西平縣遼東地增置定穎縣	

魏晉西平沿革表

西平縣	三國
西平縣屬魏	魏
汝南郡	晉
西平縣屬豫州汝南郡	
定穎縣	晉永嘉五年以後
西平縣淪沒於後趙石勒	晉建武太興間
西平縣介於東晉後趙兩大之間史稱兩屬	晉升平至太元間
後趙已亡西平縣境復沒入前燕及符秦	晉太元至義熙間
前燕符秦相繼敗亡西平縣仍爲東晉屬地	

南北朝西平沿革表

西平縣	南北朝
西平縣初隸宋後沒入北魏	宋
西平縣地非齊梁陳所轄	南齊梁陳
西平縣初屬豫州汝南郡分置襄城郡治西平	北魏
西平縣初屬豫州汝南郡分置襄城郡治西平	北齊
西平縣初屬豫州汝南郡分置襄城郡治西平	北周

隋唐西平沿革表

西平縣	隋
開皇初文城郡廢仍爲西平縣屬豫州汝南郡	隋
大業末西平縣廢	
開皇十八年改武陽縣曰吳房	
大業初吳房廢	
西平縣	唐
武德四年復置西平縣屬道州	唐
貞觀元年省入鄜城縣屬豫州	
天授二年分鄜城復置西平縣尋又廢	
開元四年復置西平縣屬仙州二十六年廢仙州以西平縣屬豫州	
天寶元年屬汝南郡	
乾元元年仍屬豫州	
寶應元年屬蔡州	
元和十二年西平縣隸潁州	
長慶元年潁州廢西平仍隸蔡州	

五代及宋金元西平沿革表

五代		宋		金		元	
西平縣	梁唐晉漢周	西平縣屬河南道彰義軍蔡州	西平縣屬京西北路蔡州汝南郡淮康軍節度	西平縣屬南京路蔡州防禦使	泰和八年升蔡州爲鎮南軍節度縣屬如故	西平縣初隸汴梁路蔡州	至元三十年升蔡州爲汝寧府縣屬河南江北行省汝寧府
	西平縣屬河南道彰義軍蔡州						

明清及中華民國西平沿革表

明		清		中 華 民 國	
西平縣	西平縣屬河南布政司汝寧府	西平縣屬河南汝寧府並隸南汝光浙兵備道	中華民國元二年間西平縣仍屬河南汝寧府	三年八月府廢改屬河南汝陽道	
	西平縣屬河南布政司汝寧府				

右述西平縣已往疆域沿革略可考見者如此

疆域沿革既明幅員廣袤宜悉顧稽諸載籍道里差異恆所弗免其因境界割併治所變遷者固居多數而鈎覈不實與輾轉因譌者亦往往有之茲譜如左

東西		南北	
相距	清一統志	相距	清一統志
	西平縣舊志		西平縣舊志
一百十里		七十里	
一百三十里		同	

右東西南北相距道里表

東 至			南 至		
清一統志	上蔡縣界三十里	同	清一統志	遂平縣界四十里	同
河南通志	同	同	河南通志	同	同
汝寧府志	同	同	汝寧府志	同	同
西平縣舊志	同	同	西平縣舊志	遂平縣界三十里	同
西 至			北 至		
清一統志	舞陽縣界八十里	同	清一統志	鄧城縣界三十里	同
河南通志	同	同	河南通志	鄧城縣界二十里	同
汝寧府志	同	同	汝寧府志	鄧城縣界三十里	同
西平縣舊志	同	同	西平縣舊志	鄧城縣界二十五里	同

右四至道里表

東 到			南 到		
汝陽道治三百三十里	汝寧府治一百三十里	上蔡縣治六十里	京師一千九百里	河南省城三百六十里	商水縣治一百二十里
西 到			北 到		
遂平縣治六十里	泌陽縣界一百十里	舞陽縣界一百里	舞陽縣治九十里	舞陽縣界六十里	鄧城縣治六十里

右八到道里表

西平縣清時隸汝寧府而汝寧即唐之蔡州也顧詳稽元和元豐各志所載道里亦微有不同今并誌如左

元和郡縣志	西平縣東南至蔡州一百五十里
太平寰宇記	西平縣在蔡州西北一百二十里
元豐九域志	西平縣在蔡州西北一百五里
清文獻通考	西平縣在汝寧府西北一百二十里
河南通志	西平縣在汝寧府西北一百三十里

案由西平縣經上蔡縣治至汝寧府爲一百三十里若取道上蔡西境黃埠鎮徑赴府城則形成直綫僅一百二十里

據清會典驛站路程西平距北京一千九百二十里清文獻通考開封府距京師一千五百四十里西平縣舊志縣距河南布政司三百六十里共計縣距京師一千九百里京漢鐵路行程表北京前門至西平縣站八百五十六公里旅行指南稱爲華里一千七百十二里是每公里合華二里惟每公里爲法尺一千米達合華尺三千三百尺華尺一千八百尺爲一里二里須三千六百尺故依法尺與華里互相乘除西平縣站至北京前門實止一千五百六十九里又六百尺然則會典驛程旅行指南所稱一千九百二十里及一千七百十二里者固均與實際相去甚遠也

右述西平縣境古今道里略可考見者如此

疆域既如前述斯保里集鎮之概略可得而指數焉里社之制由來已久前清編戶爲二十一保民國因之曰坊廓縣治附郭者是也縣東五保曰留冊曰永豐曰重渠曰仙侶曰義亭縣西十保曰安撫曰常濟曰王寨曰崇教曰師靈曰里仁曰儀封曰洪村曰范二郎曰雲莊縣南三保曰興賢曰大堰曰新豐縣北二保曰樂業曰撫治每保分上下二里亦間有分爲三里者蓋保有大小廣狹之不同故區畫亦因而異也據光緒二十一年丁酉知縣左輔所製西平輿圖說全境周袤三百餘里計民莊一千有奇凡爲鎮十有五曰儀封曰合水曰權寨曰重渠橋曰留冊橋曰蔡寨曰專探曰譚店曰王寨曰張店曰董橋曰關橋曰賈橋曰二郎廟曰二十里鋪爲寨四十有九其在雲保者爲出山寨盧廟寨于寨坡寨和寨康寨張寨貴臘莊寨范二郎保爲薛寨李寨張老莊寨洪村保爲張寨許寨楊寨呂店寨牛集寨張于寨油房張寨儀封保爲西寨北寨師靈保爲鄭莊寨常濟保爲鄭樓寨小劉店寨王寨保爲周莊寨崇教保爲李灣寨西宋莊寨大堰保爲徐集寨衡坡寨陳茨園寨新豐保爲祝王寨興賢保爲焦店寨撫治保爲大藍寨東牛莊寨樂業保爲杜莊寨留冊保爲留店寨陳坡寨張灣寨永豐保爲葉寨盆垚寨羅閣寨重渠保爲南樊寨

北樊寨王灣寨陳老莊寨仙侶保爲丁莊寨義亭保爲毛寨席王寨金剛寺寨坊廓保爲
殷渡口寨是已而王寨保之鞏莊寨撫治保之張灣寨新豐保之馮張莊寨范二郎保之
觀音寺寨猶爲左圖所畧屬也

星野及經緯度志

周禮保章氏以星土辨九州之地所封封域皆有分星鄭氏注曰壽星鄭也大火宋也史
記天官書角亢氐房心豫州漢書天文志曰房心豫州又曰宋鄭之疆候歲星占房
心地理志曰韓地角亢氐之分野也韓分晉得南陽郡及潁川汝南皆韓分也陳鄭之國
與韓同星分焉續漢志天文志序注星經曰鎮星主嵩高山豫州又玉衡第七星主豫州
常以五午日候之丙午爲汝南晉天文志曰自氐五度至尾九度爲大火宋之分野屬豫
州又曰房心宋豫州潁川入房一度汝南入房二度唐天文志曰角亢壽星之次辰初起
軫十度終氐一度自原武管城盡陳蔡汝南之地皆壽星分也明天文志分野篇曰軫十
度至氐一度壽星之次也開封府角亢分鄭州氐分陳州亢分汝寧府光州皆角亢氐分
清一統志曰汝寧府角亢分野壽星之次明劉基分野亢一度西平遂平

按清康熙九年
平湖沈蔡幸西

平續修縣志於星野篇末贅以按語略曰西平原爲韓鄭與鄭
同占青田圭亢一度爲精確矣云云謹附注於此用備參考

星野之義至爲精微唐李淳風元郭守敬尙已然非世守其業幾無以測厥涯涘自五洲大通地域廣拓原有星宿躔次如何析分談天家迄無定論而遼史弗志天文清高宗致疑分野均不爲無見今姑采星野舊說於前以存其體復錄經緯度新法於後以會其通參互印證以推測西平彈丸之地則上天下壤間固自確有其位置之所在也

長沙丁氏輿地經緯度里表載西平緯度爲北三十三度二十五分

凡言某地北緯若干度皆指是地居赤道

北之度數亦即該地北極高出地平之度數

經度爲京師偏西二度二十一分

以京師子午線爲中而較各地所偏之度見白英堂叢書

西洋人所推算者有二其一謂西平緯度爲北三十三度二十三分經度爲格林維基

地名

在英京倫敦市外有天文臺西歷紀元一六七五年創立爲今全世界子午線起點

東一百十四度六分其一又謂西平緯度爲北

三十三度二十八分經度爲格林維基東一百十一度一十三分

陳銘鑑曰關於丁氏與西人推測不同之點曾於民國十六年五月間質詢中央觀象臺旋於是月二十日接臺函其答詞如下格林維基乃東西經度起算之點京師居格林維基東經一百一十六度二十八分丁氏謂西平居京師西經二度二十一分如改從格林維基起算當爲東經一百一十四度七分西人謂爲六分而緯度亦差二分究竟錯在丁氏抑在西人非實測不能定也

封建志

封爵建國謂之封建周樹翰藩秦夷郡縣漢唐已來制各不同有封而且建者亦有僅授以爵而不予以上者無論其名與實符抑或名存實亡要之皆封建蛻化遺迹耳西平雖蕞爾小邑然宅在中土歷世綿遠其開關於封建沿革足資紀述者固不尠也志封建西平歷代封建表

朝代	國名及姓名	字	籍貫世系	爵	封建時期	載	籍備	考
上古	柏皇氏					路史		
周	柏國			子爵		春秋左傳		
後漢	李通	次元	南陽宛人	西平王	更始二年	後漢書李通列傳	子雄封召陵侯	
	劉燾		泗水王歙小子	堂谿侯	建武十年	後漢書宗室泗水王歙列傳	燾一作	
	劉美		明帝子	西平王	建初七年	後漢書陳敬王美列傳	美由廣平王徙封西平王並分汝南八縣爲國	
	鄧弘		南陽新野人禹孫	西平侯	永初元年	後漢書鄧禹列傳		
	鄧廣德		弘子	全	元初二年	全	建光元年侯廢	
	鄧市德		廣德弟	都鄉侯	全	全	全	
	郭鎮	桓鍾	潁川陽翟人	定鄉侯	永建中	後漢書郭躬列傳	子賀嗣爵	

晉			後		魏	後齊	後周	唐			明		
顏	合	弘都	宋	巖	張	平	薛	李	李	李	沐	沐	沐
					微	察	端	安	瓊	侶	英	春	晨
					方明	明達	仁直	玄德			文英	景春	景茂
					燕郡人	燕郡人	河東汾陰人	蔡烈王爵子唐高祖從兄弟	唐宗室	唐肅宗第四子	定遠人	英長子	春弟
					燉煌深泉人銑曾孫通子	燉煌人絳長子	西平縣公	西平王	全	西平郡王	西平侯	全	全
					咸和間		後周初葉	武德間		天寶中	洪武十年	洪武二十五年英卒襲爵	建文元年嗣兄春侯爵
					北史張洪列傳	北史宋絳列傳	北史薛辯列傳	新唐書宗室列傳及世系表	舊唐書衛王玄霸列傳	舊唐書衛王侄列傳	明史沐英列傳	全	全
						裴父爵改					卒後追封黔寧王	卒諡惠襄	卒贈定遠王諡忠敬
													史稱王有學行孝友篤至

封建之見於傳記者既如右表所述顧其間有爲舊志所未載並爲前人所未及道者數事不爲釋疑恐滋聚訟謹撮要詮次如左

棠谿在縣西境其流甚暢伊古已來未之改也後漢封劉燁爲棠谿侯堂亦作棠當指此地而

言史記蘇秦傳徐廣注曰汝南吳房有棠谿亭張守節正義曰棠谿故城在豫州偃城縣西八十里元和志曰西平縣西界有棠谿村亭也城也村也要以不離乎棠谿者近是今棠谿明明在西平境內與吳房偃城兩地無涉追本溯源棠谿侯封地必在此無疑後漢元初二年封鄧廣德爲西平侯又分西平之都鄉封鄧甫德爲都鄉侯是都鄉亦西平地名也永初二年析西平迤東地置定穎縣表內列定穎侯郭鎮以此舊志棠谿都鄉定穎三侯均漏載今補之北史宋巖襲父繇爵改爲西平侯今考繇爵清水公地異而爵名亦不同也舊志指李安西平王爲涼州郡名似亦有誤舊唐書隴右道鄯州即隋西平郡唐武德二年改置鄯州高祖本紀武德元年十一月涼王李軌反二年五月軌降曲赦涼鄯甘肅等九州是涼州西平郡在唐武德間已改鄯州李安受封必係蔡州之西平無疑且西平境內有唐王塚廟遺蹟顯然足資印證李倂爲肅宗第四子天寶中封西平郡王唐書肅宗第四子倂字承恩故亦次於安瓊之後後不載舊志均明沐春沐晟均嗣爵爲西平侯並予列入明史永樂六年唐定王桎就藩南陽其後唐王子孫多分封河南各地如舞陽王芝址孫穎昌王彌錦淅陽王彌鑑鄆城王彌鉞錦鑑鉞均是已文城王彌鉞者芝址庶子彌錦彌鑑之弟而彌鉞之兄也舊志闕略因並

及之

按潁昌今許昌縣是明爲許州治漸陽今內鄉縣是文城今西平縣是明時同山是知明封藩王多有假用古地名者

考前漢時西平有二一屬汝南郡一屬臨淮郡甘露三年于定國東海人封西平侯食邑

臨淮觀前漢書外戚恩澤侯表可以知之更始末三水豪桀共立盧芳安定三水人爲西平

王以平定西方爲號非地名也後漢順帝封宦者程璜爲西平昌侯章懷太子注曰西

平昌諸縣屬平原郡晉建興二年孝愍帝封涼州刺史張軌安定烏氏人爲西平郡公其子

實孫駿及重華耀靈玄靚天錫諸人或受封或自稱均爲西平公是乃涼州西平非茲

邑也後魏乙瓌代封西平公安頡遼東胡人源賀河西王禿髮初封西平公復進爵爲王唐李

晟隴右臨洮人封西平郡王段凝沂陽人封西平郡公後周顯德中李彝興夏州人本姓拓

賜姓封西平王宋乾德五年彝興卒追封夏王宋景德三年封趙德明本李彝興之後宋太宗賜姓趙父繼遷即夏元昊爲西

平王兼持節都督夏州諸軍事曠覽往史博稽榮封或因酬庸以錫爵乙瓌安頡李晟段凝等近是

或示懷柔以胙土源賀李彝興趙德明等近是循名核實雖不能舉上述西平王公悉解爲畫疆分

藩之義而源賀彝興德明輩要皆爲立功隴右屏翰西陲者也舊志以乙瓌安頡源賀李晟段凝李彝興趙德

明受封西平王公均指爲涼州郡名元西平王有四曰鄂囉齊世祖第七子至元六年十月賜駝紐金曰

巴特瑪德沁鄂囉齊子見宗室世系表曰巴勒瑪爾見諸王表曰袞布巴勒見文宗順帝本紀及諸王表顧考其事蹟

多與汝寧府之西平毫無關聯

元史至元九年正月世祖敕皇子西平王鄂羅齊率土番軍征建都至順二年三月西平王袞布巴勒都民居

遼陽境者告饑文宗命發倉振之

而元室諸王世系表中與西平王名義相類如西寧王西安王西靖

王者又不一而足以彼例此元之西平王似爲一種廣漠無垠之封號非若周之采地漢之湯沐邑限於一區一域者可比故前列西平歷代封建表對於于定國盧芳以下諸王公概未驛入而附志其緣由於此烏虜史法謹嚴君子闕疑吾秉筆至此蓋不勝躊躇鄭重之意云銘鑑附識

240